



Foras na Gaeilge

Comhordaitheoir Pleanála Teanga

EOLAS D'IARRTHÓIRÍ

Is iad Foras na Gaeilge (an ghníomhaireacht teanga) agus Tha Boord o Ulstèr-Scotch (Bord Albainis Uladh) an dá chuid den Fhoras Teanga, an comhlacht teanga Thuaidh/Theas, ceann de na comhlachtaí forfheidhmithe a bunaíodh faoi théarmaí Chomhaontú Bhéal Feirste. Is iad seo a leanas na feidhmeanna reachtúla a sannadh d'Fhoras na Gaeilge:

- An Ghaeilge a chur chun cinn;
- Úsáid na Gaeilge labhartha agus scríofa a éascú agus a spreagadh, sa saol poiblí agus sa saol príobháideach sa Deisceart agus, i gcomhthéacs Chuid III den Chairt Eorpach do Theangacha Réigiúnacha nó Mionlaigh, sa Tuaisceart áit ar bith a bhfuil ráchairt uirthi;
- Comhairle a thabhairt don dá rialtas, do chomhlachtaí poiblí agus do ghrúpaí eile san earnáil phríobháideach agus san earnáil dheonach;
- Tabhairt faoi thionscadaíl tacaíochta, agus deontais i gcabhair a thabhairt do chomhlachtaí agus do ghrúpaí de réir mar a mheastar gá a bheith leo;
- Tabhairt faoi thaighde, faoi fheachtais leis an Ghaeilge a chur chun cinn, agus tabhairt faoi chaidreamh poiblí agus chaidreamh leis na meáin chumarsáide;
- Téarmaíocht agus foclóirí a shaothrú;
- Tacaíocht a thabhairt don Ghaelscolaíocht agus do theagasc na Gaeilge.

Tá 16 bhall ar Bhord Fhoras na Gaeilge, 8 ón Deisceart agus 8 ón Tuaisceart agus, i gcuideachta Bhord Albainis Uladh, is é Bord an Fhorais Teanga Thuaidh/Theas é.

Tá Foras na Gaeilge freagrach don Chomhairle Aireachta Thuaidh/Theas (CATT), agus go háirithe don Aire Cultúir, Oidhreachta agus Gaeltachta agus don Aire Pobal. Tuigeann Foras na Gaeilge, mar chuid den Fhoras Teanga Thuaidh/Theas, go gcaithfidh a chuid cuspóirí agus straitéisí bheith ag cur le polasaí ginearálta an dá rialtas agus cinnteoidh sé, mar sin, go mbeidh cumarsáid éifeachtach ann leis an dá Roinn chuí, Rúnaíocht na Comhairle Aireachta Thuaidh/Theas, an Roinn Airgeadais agus an Roinn Airgeadais agus Pearsanra. Chomh maith leis sin, cinnteoidh Foras na Gaeilge go bhfuil sé ag cur le ceanglais an Mheamrain Airgeadais agus le hiomlán na gceanglas reachtúil cuí eile sa dá dhlínse.



Foras na Gaeilge

Comhordaitheoir Pleanála Teanga

Láthair

Beidh an duine a cheapfar lonnaithe go príomha i gCeannáras Fhoras na Gaeilge i mBaile Átha Cliath. Cé go mbeidh an té a cheapfar lonnaithe i gCeannáras Fhoras na Gaeilge, bheadh sé i gceist go mbeadh an t-oifigeach ar an mbóthar ag bualadh le deontaithe agus páirtithe leasmhara ar fud an oileáin, ar bhonn rialta. Mar sin ní mór d'arratasóirí ceadúnas tiomána oiriúnach a bheith acu.

Sochair

Baineann téarmaí agus coinníollacha an phoist seo le ceapachán mar Chomhordaitheoir Pleanála Teanga (ag leibhéal Ardoifigigh Fheidhmiúcháin) le Foras na Gaeilge.

Tuarastal: Is é an raon tuarastail don phost seo ná €46,517* - €58,556 (*pro rata*).
D'fhéadfaí an ráta tuarastail a choigeartú ó am go chéile ar aon dul le beartas pá an Rialtais.

**Caithfean an post a thairiscint ag bun an scála.*

- Tréimhse an Chonartha: Is post ar chonradh trí bliana atá á thairiscint agus is féidir cur leis an tréimhse sin ag brath ar chúrsaí maoinithe;
- Uaireanta Oibre: Post lánaimseartha atá ann agus caithfean bheith i láthair 42 uair (i seachtain de chúig lá). Ceadáitear uair an chloig don lón. Beidh solúbthacht áirithe de dhíth ó thaobh uaireanta oibre de chun riachtanais na hoibre a chomhlíonadh;
- Beidh tréimhse phromhaidh i gceist leis an phost seo;
- Saoire Bhliantúil: 29 lá (*pro rata*) agus laethanta saoire poiblí;
- Pá Breoiteachta: Suas le 3 mhí ar phá iomlán agus 3 mhí ar leathphá ach gan níos mó ná 6 mhí de phá breoiteachta i dtréimhse 4 bliana ar bith (*pro rata*);
- Pinsean: Mar atá ceadaithe ag an CATT;
- Saoire Mháithreachais: de réir na dteidlíochtaí atá i bhfeidhm ag an am;
- Saoire Atharthachta: de réir na dteidlíochtaí atá i bhfeidhm ag an am;
- Saoire Uchtála: de réir na dteidlíochtaí atá i bhfeidhm ag an am;
- Saoire Thuismitheoireachta: de réir na dteidlíochtaí atá i bhfeidhm ag an am;
- Fógra faoi Éirí as Post: 4 seachtainí ar a laghad: 13 seachtaine ar a mhéad;
- Cód Iompraíochta: Mar atá faofa ag an CATT;



Foras na Gaeilge
Ginearálta

Comhordaitheoir Pleanála Teanga

Déanfar ceapachán amháin (sealadach) anois agus cuirfear painéal le chéile as a lionfar folúntais shealadacha Pleanála Teanga ag an ngrád seo, as seo go ceann bliana ach acmhainn a bheith ann chuige sin.

Tá na hArdoifigigh faoi cheangal ag:

1. **Na Cumhachtaí Reachtúla, na dualgais agus na hoibleagáidí** mar atá leagtha síos in I.R. Uimh.859 1999 Tuaisceart Éireann “North/South Co-Operation (Implementation Bodies) Northern Ireland) Order 1999” agus Airt.1 de “The British-Irish Agreement Act 1999.”
2. **An Meamram Airgeadais** a cheadaigh an Roinn Airgeadais agus Pearsanra agus an Roinn Airgeadais, rud a leagann amach na nósanna imeachta airgeadais agus na socruithe cuntasaíochta don Fhoras Teanga Thuaidh/Theas.



Foras na Gaeilge

Comhordaitheoir Pleanála Teanga

SAINCHUNTAS POIST

Teideal an Phoist: Comhordaitheoir Pleanála Teanga

Freagrach do: An Clár bhainisteoir: Pobal & Gnó

Aidhm an ról: Beidh an Comhordaitheoir Pleanála Teanga (CPT) ag feidhmiú sa Rannóg Pobail & Gnó agus ag tuairisciú do Chlár bhainisteoir na Rannóige sin. Beidh an CPT freagrach go príomha as bainistiú, maoirsiú agus éascú a dhéanamh ar an phróiseas pleanála teanga i líon aontaithe Bailtí Seirbhíse Gaeltachta agus Líonraí Gaeilge a bheidh faoina gcúram, agus go príomha ag tacú leo na pleananna teanga a ullmhú. Beidh an CPT ag cabhrú le cuspóirí na heagraíochta maidir le feidhmiú an phróiseas pleanála teanga agus i gcomhlíonadh na riachtanais reachtúla a bhaineann leis.

Príomchúraimí

1. Bainistiú, maoirsiú agus éascú a dhéanamh ar an phróiseas pleanála teanga i líon aitheanta Bailtí Seirbhíse Gaeltachta agus Líonraí Gaeilge.
2. Oibriú go dlúth le líon aitheanta ceanneagraíochtaí le tacú leo a bpleananna teanga a ullmhú agus a sholáthar trí chomhairle agus tacaíocht a thabhairt dóibh mar a bhaineann sé le riachtanais na bpleananna teanga – idir taighde, faisnéis, feasacht sa phobal, anailís ar eolas/staitisticí, beartais teanga, cláir caiteachais/buiséad agus tuairisciú/cur i láthair ar an eolais agus de réir mar atá leagtha síos sa Mhúnla do Phlean Teanga agus sna Critéir Pleanála Teanga.
3. Comhairle agus tacaíocht a roinnt leis na ceanneagraíochtaí agus na Coistí Stiúrtha Pleanála Teanga agus eolas a roinnt faoi threochtaí, staitisticí, polasaithe Stáit a bhaineann leis an Ghaeilge agus an próiseas pleanála teanga.
4. An cláir caiteachais agus na hiarratais ar íocaíocht a bhaineann leis na pleananna teanga a bhainistiú agus a riaradh i gcomhar leis an ceanneagraíocht.
5. Ceardlanna Oiliúna a eagrú de réir riachtanais.
6. Saineolas, comhairle, moltaí agus tacaíocht a chur ar fáil d'fheachtais feasachta teanga a bheidh dírithe ar phobail a spreagadh agus a ghríosú le bheith gníomhach sa Phróiseas Pleanála Teanga agus cur chun cinn na Gaeilge i measc na gceantar BSGí agus Líonraí.
7. Ionadaíocht a dhéanamh thar cheann an Fhorais ar choistí agus ar ghrúpaí oibre i leith dea-fheidhmiú an Phróisis Pleanála Teanga.
8. Dea-chaidreamh a chothú le heagrais agus comhlachtaí a bhfuil cuspóirí comónta teanga á roinnt ag Foras na Gaeilge leo, go háirithe An Roinn Cultúir, Oidhreacht agus Gaeltachta, Údarás na Gaeltachta agus Na



Ceanneagraíochtaí Gaeilge.

9. Páirt-ghníomhach a ghlacadh i dtascanna taighde a thabharfar faoi maidir le dea-chleachtais i leith iompair, buanú agus sealbhú teanga i réimsí éagsúla gníomhaíochtaí an Fhorais. Tionscnaimh thacaíochta teanga i réimsí aontaithe a mholadh.
10. Beartais agus acmhainní tacaíochta maidir le neartú na Gaeilge sa phobal a mholadh agus a fhorbairt.
11. Feidhmiú mar bhall de fhoireann agus freastal ar chruinnithe cuí foirne eagraithe ag an Chlár bhainisteoir.

Eolas Eile

Tá an Rannóg Pobail agus Gnó freagrach as réimse leathan de scéimeanna deontais agus tionscadail forbartha a réachtáil agus a riaradh i réimsí an phobail, an ghnó phríobháidigh agus na meáin Ghaeilge.

Faoi Acht na Gaeltachta 2012 tá sé dlite ar Fhoras na Gaeilge eagraíochtaí a roghnú chun pleananna teanga a ullmhú sna Bailte Seirbhíse Gaeltachta atá suite taobh amuigh den Ghaeltacht agus sna Líonraí Gaeilge. Beidh tréimhse suas le 2 bhliain ag na heagraíochtaí a roghnófar chun pleananna teanga a ullmhú. Is é an cuspóir a bheidh ag na pleananna teanga ná cur le húsáid na Gaeilge sna ceantair lena mbaineann siad chomh fada is a bhaineann se le cúrsaí teaghlaigh, pobail, oideachais, sóisialta, gnó agus poiblí. Nuair a bheidh na pleananna teanga faofa ag an tAire Cultúir, Oidhreachta agus Gaeltachta beidh tréimhse 7 mbliana ag na heagraíochtaí chun iad a chur i gcrích.

Líonraí Gaeilge

Is éard atá i gceist leis na Líonraí Gaeilge ná ceantair a bhfuil bunmhais chriticiúil bainte amach acu maidir le tacaíocht pobail agus Stáit don Ghaeilge. Tabharfar aitheantas faoin Acht do Líonraí Gaeilge ach pleananna teanga a bheith aontaithe leis na pobail sna líonraí éagsúla i gcomhréir leis na critéir pleanála teanga fhorordaithe. Tá Foras na Gaeilge freagrach faoin Acht as tacaíocht a thabhairt d'eagraíochtaí maidir le hullmhú agus cur i bhfeidhm pleananna teanga sna Líonraí Gaeilge.

Bailte Seirbhíse Gaeltachta

De thoradh próiseas comhairliúcháin a eagraíodh in 2014 roghnaíodh na bailte a leanas mar bhailte a d'fhéadfadh a bheith aitheanta mar Bhailte Seirbhíse Gaeltachta ach pleananna teanga a bheith aontaithe leis na pobail sna bailte éagsúla i gcomhréir leis na critéir pleanála teanga fhorordaithe faoi Acht na Gaeltachta. Tá na 3 cinn atá suite sa Ghaeltacht, aibhsithe i ndearg thíos, faoi chúram Údarás na Gaeltachta.



Foras na Gaeilge

Comhordaitheoir Pleanála Teanga

Contae

Dún na nGall

Maigh Eo

Gaillimh

Ciarraí

Corcaigh

Port Láirge

An Mhí

Baile

- Leitir Ceanainn
- **An Clochán Liath**
- Baile Dhún na nGall
- **Béal an Mhuirthead**
- Baile an Róba
- Caisleán an Bharraigh
- Cathair na Gaillimhe
- An Clochán
- **Daingean Uí Chúis**
- Trá Lí
- Cathair Saidhbhín
- Cathair Chorcaí
- Maigh Chromtha
- Dún Garbhán
- Baile Átha Buí
- An Uaimh

Tá an post seo maoinithe 100% ag an Roinn Cultúir, Oidhreachta agus Gaeltachta.

Tugtar an méid seo thuas mar threoir ghinearálta ar chúraimí agus fhreagrachtaí. Ní cur síos iomlán ar na tascanna uile é.



SONRAÍOCHT FAOIN PHEARSA

Critéir Riachtanacha

- Ardchaighdeán Gaeilge, idir scríofa agus labhartha mar aon le tiomantas don teanga.
- Cáilíocht ábhartha tríú leibhéal sa réimse pleanála teanga nó cáilíocht ábhartha eile i gcomhar le fianaise ar thaithí phraiticiúil sa réimse pleanála teanga.
- Ardscileanna cumarsáide, áisitheoireachta, comhordaithe agus idirphearsanta.
- Tuiscint / taithí ar ullmhú pleananna teanga nó pleananna Forbartha Pobail.
- Taithí ar thionscnaimh a bhainsitiú, a phleanáil, a fhorbairt, a athbhreithniú agus a chur i gcrích, agus tuairiscí a chur ar fáil ina leith.
- Taithí ar chlár oibre a eagrú, a bhainistiú agus a chur i gcrích as do stuaim féin.
- Taithí ar thaighde a dhéanamh nó a bhainistiú.
- Ceadúnas Tiomána reatha agus úsáid chairr chun críche an phoist nó teacht láithreach ar mhodh iompair taistil sásúil.

Critéir Inmhianaithe

- Taithí ar bheith freagrach as buiséad agus as tuairisciú airgeadais.